



Broj: T18 0 KT 0018331 25
Brčko: 04.08.2025. godine

Optužnica potvrđena dana 07.08.2025.godine

Na osnovu člana 35. stav (2) tačka h) i člana 226. stav (1) Zakona o krivičnom postupku Brčko distrikta BiH, podižem:

O P T U Ž N I C U

Protiv:

1. **A.N.**, rođen 1995. godine u Slavonskom Brodu,
2. **M.S.**, rođen 2002. godine u Brčkom,

Što su:

1. Tokom noći 06/07.02.2025. godine, u ulici ..., Brčko distrikt BiH, zajedno i po prethodnom dogovoru, s ciljem pribavljanja protivpravne imovinske koristi, došli do samouslužne autopraonice „Solarna Energy Miro“ vlasništvo S.V., pa svjesni i sa namjerom da oduzmu tuđu stvar, a što su i htjeli, upotrebom kliješta i šarafcigera, kao i fizičke snage obili dva improvizovana okvira od inoksa, koji su bili obezbijeđeni katancem, te oduzeli novac koji se nalazio u unutrašnjosti u iznosu od 1.000,00 KM, čime su za sebe pribavili protivpravnu imovinsku korist u navedenom iznosu, a za koji su oštetili S.V.,
2. Dana 09.02.2025. godine, oko 04,08 sati, u ulici ..., Brčko distrikt BiH, zajedno i po prethodnom dogovoru, s ciljem pribavljanja protivpravne imovinske koristi, došli do samouslužne autopraonice „Begoil“, vlasništvo I.Z., pa svjesni i sa namjerom da oduzmu tuđu stvar, a što su i htjeli, upotrebom kliješta i šarafcigera, kao i fizičke snage obili tri automata u predjelu između pokretnog krila i okvira od automata, te oduzeli novac koji se nalazio u unutrašnjosti, u iznosu od 550,00 KM čime su za sebe pribavili protivpravnu imovinsku korist u navedenom iznosu, a za koji su oštetili I.Z.,
3. Dana 09.02.2025. godine, oko 04,20 sata, došli u ulici ..., Brčko distrikta BiH, zajedno i po prethodnom dogovoru, s ciljem pribavljanja protivpravne imovinske koristi, svjesni i u namjeri da oduzmu tuđu stvar, a što su i htjeli, došli do samouslužne autopraonice „Solarna Energy Miro“ vlasništvo S.V., te upotrebom podesnog alata kliješta i šarafcigera, kao i fizičke snage obili dva improvizovana okvira od inoksa, koji su bili obezbijeđeni armiranom selotejp trakom sa dvije plastične vezice i katancem, gdje su pronašli i oduzeli novac u kovanicama, u iznosu od oko 200,00 KM, čime su za sebe pribavili protivpravnu imovinsku korist u navedenom iznosu, a za koji iznos su oštetili S.V.,

dakle, obijanjem da dođu do stvari iz zatvorenih prostorija, oduzeli tuđu pokretninu s ciljem da njenim prisvajanjem pribave sebi protivpravnu imovinsku korist

čime su kao saizvršioци počinili produženo krivično djelo – Teška krađa – iz člana 281 stav (1) tačka 1) Krivičnog zakona Brčko distrikta BiH u vezi sa članom 55 i 31 istog Zakona.

[...]

****Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.****
